

BLACK DEATH 2

AHMED ABDEL HAMID

الموت الأسود 2
أحمد عبد الحميد

الموت الأسود 2

أحمد عبد الحميد

تنويه

هذه النسخة التى بين ايديكم هي نسخة الكترونية
مجالية ولا يجوز قص أو تغيير أو إعادة نشرها أو
التريخ منها دون إذن كتابي مسبق من المؤلف شخصيا

© جميع الحقوق محفوظة للكاتب

لقاء تليفزيوني

ابتسمت المذيعة الجميلة (جيهان) وهي تنظر بعينيها
البراقتين إلى المهندس (خالد منصور) الذي كان يجلس
أمامها في برنامجها التلفزيوني الشهير ثم سأله بصوت مليء
بالفضول:

- بشمهندس خالد بما أن حضرتك واحد من مطورين الذكاء
الاصطناعي والروبوتات حضرتك تقدر توضحنا ايه مميزات
الذكاء الاصطناعي بشكل عام مبسط

ابتسم المهندس (خالد) وضغط بإصبعه السبابة على نظارته
الطبية مما أضفى على ملامحه هالة من الفكر العميق ثم قال
بنبرة هادئة :

- أكيد طبعا يا أستاذة جيهان فمع الذكاء الاصطناعي دلوقتي
أصبح من الممكن حل كل المشكلات المعقدة والتي بتحتاج
حسابات صعبة دون أي مجال للخطأ

قالت المذيعة :

- يعنى حضرتك تقصد أن الذكاء الاصطناعي بيقلل فرصة

حدوث أي غلطة

قال خالد :

- بالظبط وده في حد ذاته إنجاز لأن الذكاء الاصطناعي عنده قدرة إتخاذ القرارات الصحيحة وأفضل مثال على ده هو إستخدامها في الرعاية الصحية ودمج أدوات الذكاء الإصطناعي في قطاع الرعاية الصحية أدى لتحسين كفاءة العلاجات من خلال تقليل خطر التشخيص الغلط.

قالت المذيعة :

- معنى كده أن الذكاء الاصطناعي هيخلي المعالج والمريض يفهموا أيه المطلوب منهم بالظبط وطريقة المتابعة والعلاج الصحيح وهيكون وسيط ما بينهم

قال (خالد) موضحا :

- أكيد لان الغياب التام لمشاعر الآلة المتصلة بالذكاء الاصطناعي بتخليها أكثر فاعلية لأنها قادرة على إتخاذ القرارات الصح في فترة زمنية قصيرة ، وده عكس العقل البشري اللي بيفكر باتجاه مشاعري شوية

قالت المذيعة :

- ده من الناحية الطبية ، طيب هل الذكاء الاصطناعي يقدر
يأثر في الإنتاج الصناعي والزراعي ؟

قال خالد :

- على عكس البشر الآلة مش بتتعب حتى لو كان عليها ضغط
شغل لساعات متواصلة وده فايدته كبيرة على البشر اللي
بيحتاجوا لوقت راحة علشان يكونوا فعالين أما في حالة
الآلات فهي مش بتتأثر كفامتها بأي عامل خارجي ومش
بتعيق الشغل المستمر

وضعت المذيعة إصبعها على أذنها تستمع بانتباه إلى الصوت
الغامض القادم من غرفة التحكم الذي يهمس لها بأمر ما
فهزت رأسها بتفهم وأبتسامة خفيفة ترسم على شفثيها ثم
حولت نظرتها الثاقبة إلى الكاميرا، وقالت بصوت مفعم
بالحيوية :

- ومعنا اتصال هاتفي مع الأديب والمفكر الكبير الأستاذ
مصطفى حسن .

ثم استكملت حديثها وهي تبسم وقالت بترحاب شديد :

- أهلا بيك يا أستاذ مصطفى .. حضرتك منورنا

جاء صوت (مصطفى) عبر مكبرات الصوت الموجودة في

الاستوديو وهو يقول :

- شكرا يا استاذة جيهان ده حضرتك اللي منورة الشاشة وانا
الى سعيد انكم قبلتم تستضيفوني كمتصل في برنامجك
الجميل ده وعندي كام سؤال للبشمةهندس خالد لو تسمحولي .

ابتسمت المذيعة وقالت :

- طبعا يا استاذ مصطفى مفيش مشكلة نهالي .. واعتقد ان
البشمةهندس خالد معدهوش مشكلة

ابتسم (خالد) في ود وقال :

- طبعا مفيش مشكلة

جاء صوت (مصطفى) عبر مكبرات الصوت قللا :

- حضرتك مش شايف يا بشمةهندس خالد ان الآلات والذكاء
الاصطناعي بالرغم من مميزاته المذهلة دي اللي حضرتك
بتتكلم عنها بقالك ساعتين انه في نفس الوقت بيمثل خطر
على البشرية ؟

ابتسم (خالد) وقال في هدوء :

- خطر ازاي وهو ...

قاطعته مصطفى وقال :

- يا بشمهندس خالد أنا قولت لحضرتك في بداية كلامي أن حضرتك بتتكلم بقالك ساعتين في المميزات لكن متكلمتش في العيوب .. وخليني أقولك أن أي آلة مهما كانت جودتها واتصالها بالذكاء الاصطناعي فبرضه هيكون ليها عيوب لأنها في النهاية صناعة بشرية

قالت المذيعة :

- طيب يا استاذ مصطفى حضرتك تقدر تقول وجه نظرك

قال مصطفى :

- خليني في الاول أوضح نقطة صغيرة الى مش بهاجم البشمهندس خالد هو في النهاية جار ليا وفيلته جنب فيلتي ومابينا علاقة احترام كبيرة ، لكن حكاية الذكاء الاصطناعي والروبوتات أنا شايفها خطر كبير على البشرية لأن مع زيادة اعتماد البشر على الآلات فأحنا رايعين لوقت هيكون صعب فيه على الناس الشغل من غير مساعدة الآلة وشوفنا ده في الماضي ومفيش أي شك إننا هنستمر في إننا نشوفه في المستقبل وهيزيد إعتماذا على الأجهزة بس .. وهتكون ايه النتيجة لده ؟ القدرات العقلية والتفكير عند الناس هتنخفض في الواقع بمرور الوقت.

قال خالد :

- يا استاذ مصطفى احنا بنقول أن ممكن الذكاء الاصطناعي يحل مكان العديد من الوظائف منخفضة المهارات زي مثلا ترتيب مواعيدك واستقبال تليفونك لو كنت نائم أو مشغول أو في اجتماع أو ترتيب مقالاتك وتحسينها لغويا حاجات زي كده علشان الآلات والذكاء الاصطناعي بيقدروا أنهم يشتغلوا ل 24 ساعة ولمدة أسبوع من غير انقطاع

قال مصطفى :

- والسكرتيرة بتاعتي تروح فين ؟

قالت المذيعة متسائلة :

- حضرتك تقصد ايه مالها سكرتيرة حضرتك ؟

جاء صوت مصطفى عبر مكبر الصوت :

- كل الأمثلة اللى قالها البشمةهندس خالد بتعملها السكرتيرة بتاعتي ومعنى انى اعتمد على الروبوتات والذكاء الاصطناعي في الأمثلة دي يبقى كده هستغنى عن السكرتيرة بتاعتي وده في حد ذاته مصيبة وكارثة بكل المقاييس والاحتمالات لأن العلم ده هيكون سبب في بطالة ناس تليه زيها ومعنى أن هيتم تنفيذ كل المهمات تقريبا عن طريق الآلات والروبوتات

والذكاء الاصطناعي هيبقى فيه إمكانية للبطالة على نطاق واسع زي اللي بيحصل حالياً مع العربيات اللي بيصنعوها واللى عبارة عن عربيات بدون سواق وخيلنا كده تركز في مفهوم جملة (سيارات بدون سائقين) ، ده معناه ايه ؟ معناه أن هيكون في ملايين السواقين عاطلين عن العمل ومع احترامي لحضرتك يا استاذة جيهان ولكل خريجى الإعلام مش بعيد بكرة يمشوا حضرتك ويجيبوا مكانك روبوت يدير اللقاءات التلفزيونية يكفي فريق الإعداد يكتبولوا الاسئلة المطلوبة ويبقى كل المذيعين عبارة عن روبوتات شغالة بالذكاء الاصطناعي ونقفل كمان كلية الإعلام لأن وقتها مش هنكون محتاجنها في حاجة خلاص.

نظرت المذيعة (جيهان) إلى (خالد) في صدمة وذهول وهي تتخيل مصيرها إذا حدث ذلك وأصبحت هي جالسة في المنزل عاطلة عن العمل وهناك روبوت يدير اللقاءات التلفزيونية بدلا منها .. وفي محاولة من (خالد) لتوضيح الأمر ولتهدئة (جيهان) الذي ظهر على وجهها جميع علامات التوتر وهي تنظر إلى مستقبلها المشؤوم في حالة أن حدث ذلك فقال :

- مش للدرجة دي يا استاذ مصطفى .. انا وابت عارفين

ومتاكدين جدا أن الإعلام دراسة وكمان مهنة بشرية بنسبة 100% واستحالة أن يحصل ويحل الروبوتات مكان البشر في المهنة .. أما بالنسبة لموضوع العربيات التي من غير سواقين فالذكاء الاصطناعي هيتجنب الحوادث المرورية التي بنشوفها وبنسمع عنها يوميا وبيروح ضحاياها أرواح

قال (مصطفى) :

- ده برضه مش مبرر متاخدش ذنب واحد كان نايم أو شارب مخدرات أو معهوش رخصة أو بيتعالج نفسيا كان مسبب في الحادثة وتقول إن كل السواقين كده لان ده بيرجع لنقطه إهمال فردية وبسبب إهماله اتسبب في كارثة وده غير الحوادث التي بتحصل قضاء وقدر

قال (خالد) ضاحكا :

- أنا اسف يا استاذ مصطفى لكن أنا شايف ومع احترامي ليك انك ضد التكنولوجيا

قال (مصطفى) :

- بالعكس أنا شايف ان التكنولوجيا شيء مهم جدًا في مجال التنمية والإزدهار للبشر لكن أنا ضد التكنولوجيا التي ممكن تسبب ضرر للبشر وفي فرق ما بين العلم المفيد والعلم الضار

ولما تقر أن في توقعات بتقول أن خلال 400 سنة من
بلو قتي هيكون في طريقة لإلشاء نسخة طبق الأصل للمخ
البشري .. حضرتك مش شايف إن ده في النهاية هيودينا في
طريق لسيطرت الروبوتات على حياتنا والتحكم في اقتصاد
العالم وتحريكه؟

قال (خالد) نافيا :

- دي كلها تقارير بدون دراسة مؤكده

قال (مصطفى) على الفور :

- بس تخوف وتخليك تقلق وبالذات لما تبقى عارف ان
الإنسان بيحتاج فترة من التعليم علشان يقدر يبدع ويشغل
ولكن في وجود الروبوتات المتطورة يبقى أنت كده قتلت
الابداع البشري .. قتلت حاجة ميزنا بيها ربنا سبحانه وتعالى
عن باقي الخلق .. قتلت العقل .

قالت المذيعة في محاولة منها لتلطيف الحوار المتوتر :

- قولنا بقى يا استاذ مصطفى حضرتك جار البشعهندش خالد
بقالك قد آيه ؟

قال (مصطفى) في ود :

- مثن كثير هو البشعهندس خالد كان عايش وببدرس بره
بقاله كام سنة ولما رجع اشترى الفيلا اللى جمبي ومكن فيها
وبصراحة هو جار محترم وزى ما بنقول بالبلدي كده راجل
عايش في حالة

قالت المذيعة (جيهان) بطريقتها الإعلامية :

- يعنى سبق وزرته قبل كده في بيته ؟

قال (مصطفى) :

- اه طبعا زرته قبل كده وعاوز أقولك أن الراجل ده اذهلني لانا
شخصيا بأسلوب بيته

قالت المذيعة :

- ياريت تحكيلنا وده طبعا بعد أذن البشعهندس خالد

قال (مصطفى) :

- باختصار شديد أن فيلته كلها متصلة بالذكاء الاصطناعي
ومقدرش أوصف أكثر من كده

قالت المذيعة (جيهان) وهي تنهي اللقاء :

- وفي نهاية البرنامج نشكر الضيوف اللى

رن الهاتف المحمول الخاص بالمهندس (خالد) الذي كان

جالسا على أريكته وهو يشاهد هذا اللقاء عبر شاشة التلفاز
فأمسك هاتفه وقال :

- آيه رايك في لقاء النهاردة ؟

اجابه صوت أنتوي رقيق وهي تقول :

- كان جميل جدا وانت كنت مذهل على الشاشة لكن وجود
مصطفى ده خلى حلقة البرنامج بقت بايخة .. الشخص ده
متشائم جدا

قال (خالد) :

- كل فكرة جديدة ولجاح ليهم معجبين وليهم مهاجمين يا
راليا .. قبول واعتراض .. والشاطر هو اللى يتقبل الاثنين
قالت (رانيا) :

- طيب هتنزل امكندرية امتى .. وحشتنى وعاوزة اشوفك

قال (خالد) :

- قريب .. انا حاليا مش في مود سفر وكمان خبر انتحار
الدكتور يوسف زياد مائر فيا شوية

قالت (رانيا) :

- البقاء لله يا حبيبي انا عارفه انه كان صديق من ايام

طفولتكم .. بس هو خلاص المباحث قررت أنه انتحار؟

قال (خالد) :

- الصبح جه ظابط شرطة قعد معليا وقعد سالني كام سؤال بخصوصه وهل كان له أعداء أو مثلا يكون في سبب لقتله وطبعاً أنا مكنتش عارف حاجه عنه لكن لحد دلوقتي في احتمال بنسبه 90% أنه انتحار وخصوصاً أن كاميرات المراقبة ملقوش فيها حاجة لأنها كانت مش متوصله ولا بتسجل حاجة .

قالت (رانيا) :

- طيب يا حبيبي اهم حاجة تاخد بالك من نفسك

قال (خالد) :

- متقلقيش روز متبعاني كويس اووي

- على فكرة يا خالد أنا بدأت اغير من روز دي

ضحك (خالد) بصوت عالي وقال :

- بتغيري عليا من روز ؟ معقولة دي ؟

قالت (رانيا) بشئ من العصبية :

- أه معقولة يا خالد .. ومش بحبها وياريت متضحكش عليا

واحترم مشاعري هوية

قال (خالد) في محاولة لتلطيف الحديث :

- مفيش حد يقدر ياخدنى منك حتى لو كانت روز نفسها

قالت (رانيا) :

- ماشي .. قولى بقى ايه اخر اخبار مشاريعك ؟

قال (خالد) بلاندهاش :

- مشاريعي ؟ غريبة ؟

- غريبة ليه ؟

قال (خالد) :

- علشان انتى دايما مش بتحبي تتكلمي عن المشاريع دي في
التليفون

قالت (رانيا) :

- اعتبرلي يا سيدي بدأت احب كده

قال (خالد) :

- حاضر بس مش دلوقتي خلىنا لما نتقابل علشان دلوقتي
انا تعبنا ومحتاج اناام هوية

- هتنام دلوقتي ؟ صاحي من بدري ولا آيه ؟

- أنا منمتش من امبارح اساسا من ساعة ما عرفت خبر
انتحار الدكتور يوسف وفعلا مرهق ومحتاج انام

قالت (رانيا) :

- ماشي يا حبيبي .. تحب أصحيك؟

قال (خالد) :

- مفيش داعي .. هخلي روز تصحيني

قالت (رانيا) بعصبية :

- روز ؟ .. تلى روز يا خالد ؟

ثم أغلقت المكالمة فنظر (خالد) إلى الهاتف وقد فهم أخيراً
أن غيرة الألفى ليس لها حدود وخاصة من شخصية
هولوجرامية متصلة بالذكاء الاصطناعي واسمها (روز).

روز

في ليلة هادئة تعلق فيها القمر مع النجوم في سماء صافية
كان (خالد) يسير على ضفاف النهر حيث تنعكس أشعة القمر
الفضية على المياه الهادئة كالمرآة وكان نسيم الليل يحمل
معه عطر الزهور البرية مما أضاف على الجو سحراً خاصاً.

وهناك لمح حبيبته (رانيا) واقفة عند حافة النهر بشعرها
الذي يتماوج مع الرياح وعينيها التي تلمع ببريق الحب
والحنين.

اقترب منها بخطوات بطيئة محاولاً أن يحبس أنفاسه كي لا
يفسد هدوء اللحظة وكانت هي ترتدي فستاناً أبيضاً ناعماً
ينسدل برقة على جسدها المشوق ويضفي عليها هالة من
النقاء والجمال الساحر.

إلى أن التقت عيناها وأبتسمت له بابتسامة ملؤها الحب
والدفء فمد يده ليأخذ يدها وعندما لامس أصابعها شعر
بدفء حبها يتسلل إلى قلبه كأشعة الشمس في صباح يوم
دافئ.

وقفاً معاً بجانب النهر متعلقين يستمعان إلى همسات المياه

الهائلة وكأنها موسيقى الحب الخاصة بهما وكانت عيناه لا تفارقان عينيها وكلهما يفرقان في بحر من الأحلام الوردية الجميلة وهنا أراد أن يخبرها كم يحبها لكن الكلمات لم تكن كافية لتعبر عن مشاعره العميقة.

وهناك من بعيد كان هناك ظلا يتسلل بين الأشجار الكثيفة على الضفة الأخرى للنهر بينما كان (خالد و رانيا) يتبادلان النظرات والهمسات كان هذا الظل هو شخص لا تبدو ملامحه واضحة بسبب الظلام وكان يتجسس عليهما ويراقب مشهديهما الرومانسي وبالرغم من هذا لم يلمحه ايا من (خالد) أو (رانيا) التي كانت في تلك اللحظة كانت قد أغضت عينيها واستسلمت لدفع احضان (خالد) التي تشعرها بالأمان بين ذراعيه ثم تنهدت بعمق وكأنها تفرغ كل مخاوفها وأحاطت ذراعيها حوله بحب أكبر وفي تلك اللحظة شعر (خالد) بأن حبهما أقوى من أي شيء وأنه يستطيع مواجهة العالم بأسره طالما كانت هي بجانبه.

" خالد استيقظ .. استيقظ .. سيد خالد من فضلك استيقظ "

استيقظ (خالد) من حلمه على أصوات روز الآلية القادمة عبر مكبرات الصوت الصغيرة التي وضعها في أنحاء فيلته الفاخرة.

هذا الذكاء الاصطناعي الذي قضى (خالد) لأجله سنوات عديدة في دراسة العلوم والتكنولوجيا حتى تمكن من تطوير ذكاء اصطناعي فريد من نوعه بمهاراته وابتكاراته ثم صنع صورة له هولوجرامية ومقاها (روز) .

وكلت (روز) تجسد شكلاً بشرياً بديعاً ينبض بالحياة.

لم تكن روز مجرد أداة بل كلت مساعداً ذكياً تتحدث ببلاغة وتستجيب بحكمة وكلت أيضاً تعينه في العمل وتشاركه الأفكار وتساهم في اتخاذ القرارات وبفضل هذا الابتكار استطاع (خالد) في تحسين الكثير من التطبيقات والبرامج وأصبح له شأن كبير في مجاله لكن ما ميزه حقاً كان تواضعه وإصراره على استخدام معرفته لتحسين العالم من حوله.

تلاوب (خالد) بعد أن استيقظ من حلمه وهو يبتسم ويتمنى لو أن هذا الحلم كان حقيقة فقد كان هذا الحلم بالنسبة له رمزاً للرومانسية الحالمة وذكرى لدفاء الحب الحقيقي الذي يجمعهما مهما كلت التحديات.

بكسل يتسلل إلى جسده توجه بخطوات بطيئة نحو المطبخ متحمساً لفكرة كوب القهوة وبدأ بإعدادها ففاحت رائحة البن الطازج وملأت المكان بعبق لذيذ ينهش الحواس.

وبينما كان يسكب القهوة في فنجانه المفضل ظهرت صورة
(روز) الهولوجرامية ثم اقتربت منه وقالت بهدوء :

- خالد ينبغي أن تتناول طعاماً قبل أن تشرب القهوة فأنت لم
تتناول طعامك منذ ليلة أمس .. تناول الطعام هو الأهم الآن
ليمنحك الطاقة التي تحتاجها.

رفض (خالد) لصيحة روز وقال :

- أنا محتاج فنجان القهوة فعلاً .. الأكل ممكن يستنى.

حاولت (روز) إقناعه بضرورة تناول الطعام مسلطة الضوء
على فوائد الطعام للصحة والهضم وكيف يساعد في تحسين
المزاج والتركيز وتحدثت عن الأبحاث التي تشير إلى أهمية
تناول وجبات الطعام في تعزيز الأداء اليومي والقدرة على
التحمل.

قال (خالد) بجدية:

- أنا تعودت على كده يا روز من سنين ومحصلش أي سوء
والقهوة بتديني الطاقة والتركيز اللي أنا محتاجها

وقفت (روز) صامته وهي تنظر له وهو يرتشف قهوته في
تلذذ ثم قال (خالد) :

- حد اتصل بيا وانا نايم ؟

قالت (روز) :

- لا .. لم يكن هناك أي مكالمات وارده

هز (خالد) رأسه بفهم فقد كان يتوقع أن اتصل به (رانيا)
لإيقاظه على الأقل فهو كان يفهم مدى حبها له لكنه لم يكن
يتوقع أن تنشأ غيرة بينها وبين (روز) .

سار بهدوء إلى المختبر الحديث لتطوير البرمجيات الذي
جعله في غرفة كبيرة في فيلته وجلس أمام شاشة حاسوبه
غارقا في أكواد تطبيق جديد يعمل عليه وبجانبه كانت (روز)
واقفة وعلى وجهها تلك الابتسامة التي لا تفارق وجهها .

بعد لحظات قال (خالد) :

- روز ... في مشكلة في الاكواد .. التطبيق بيتعطل ومحتاج
مساعذك

قالت (روز) بطريقةها الآلية :

- جاري الفحص ...

بدأت (روز) في تحليل الاكواد بسرعة ودقة فائقة فيما كان
(خالد) يراقب العملية بإعجاب وفخر وبعد بضع دقائق

توقفت (روز) عن الفحص ثم قالت :

- وجدت أن هناك تناقضاً في التعامل مع نوع البيانات المدخلة في الدالة الرئيسية وهناك أيضاً مشكلة تظهر في هذا القسم من الكود الذي يتعامل مع إدخال المستخدم

قال (خالد) باستغراب :

- معقولة ؟ .. ازاي ماخدتش بالي من الحاجات البسيطة دي ؟

قالت (روز) في عملية :

- نحتاج إلى تعديل الدالة بحيث تتعامل بشكل صحيح مع جميع أنواع البيانات الممكنة ويمكننا إضافة شرط للتحقق من نوع البيانات قبل معالجتها

قال (خالد) :

- عدلي في الدالة

قالت (روز) بعد ثوانٍ :

- تم تعديل الدالة .. ولكن هناك تناقضاً في كيفية معالجة البيانات المدخلة يبدو أن هناك تحويلاً غير صحيح لأنواع البيانات مما يؤدي إلى حدوث التعطل .. هل تريد مني الكشف والتعديل ؟

قال (خالد) :

- أوك

قالت (روز) بعد ثوان :

- تم الكشف والتعديل .. ولكن يجب أن نتأكد من اختبار الكود بعد التعديل للتأكد من عدم وجود مشاكل أخرى يمكنني إنشاء مجموعة اختبارات شاملة

قال (خالد) وهو يقف :

- اظبطي كل حاجة وابقى بلاغيني بتقريرك

قالت (روز) :

- حسنا

خرج (خالد) من المختبر وجلس على الأريكة الموجودة في منتصف بهو الفيلا متعكر المزاج قليلا .. وبعدها سمع صوت (روز) عبر مكبرات الصوت تقول :

- لقد تم التعديل والتطبيق أصبح جاهزا الان .. هل تريد مني أن اتصل بالوكيل في الصباح ليأتي ويختبر التطبيق بنفسه ؟

قال (خالد) :

- لا مش دلوقتي .. بعد ما اجي من امكندرية

ظهرت صورة (روز) الهولوجراميه ثم سارت وجلست
بجواره على الأريكة وقالت :

- هناك شئ يضايقك

- وعرفتني مين ؟

- من نبرات صوتك .. هل ما يضايقك بسبب ما حدث
لصديقك الطبيب ؟ .. ام بسبب ما حدث بينك وبين رانيا ؟
قال (خالد) بعد أن سحب نفسا عميقا :

- في الحقيقة بسبب الاثنين .. الدكتور يوسف كان صديق ليا
من ايام طفولتنا ومكناش بنسيب بعض ابدأ وافترقنا بس لما
دخلنا الجامعه هو دخل طب وانا دخلت هندسة وبالرغم من
اختلاف الكليات الا اننا كنا على اتصال مع بعض وخروجنا
كل شهر .. اما رانيا فهي غيورة جدا .. انا عارف انها بتحبنى
وانا كمان بحبها بس غيرتها الزايدة دي مش عايزها تكون
سبب في حصول اي مشكلة ما بينا .

قالت (روز) :

- لكن لا يوجد في ذاكرتي اي اتصالات او لقاءات بينك وبين

الدكتور يوسف .

قال (خالد) :

- وقت ما اشتغلت عليكي كنت بره البلد ولما رجعت اتقبلنا
انا وهو مرة أو مرتين لكن متصلتش بيه بعد ما صنعتك
وانشغلت أكثر في تطويرك وكمان التطبيقات اللى عملناها
وطورناها خلتنى مشغول أكثر وفجأة سمعت خبر انتحاره
ومن الغريب بجد أن دكتور نفسي ينتحر

قالت (روز) :

- لا يوجد شئ غريب فريما كان صديقك هذا كان يعاني من
الاكتئاب أو فصام فى الشخصية أو تعاطي المخدرات أو
إساءة معاملة الطفولة كل هذا من أسباب الانتحار .

قال (خالد) :

- يوسف كان صديق عمري .. ومكنش بيعاني من اي حاجة
من الحاجات دي .

قالت (روز) :

- هناك أسباب أكثر من ذلك للانتحار

نظر إليها (خالد) وقال بسخرية :

- مبروك بقيتي دكتورة لفسية

قالت (روز) بطريقتها الآلية المعتادة :

- سلمي .. أنا لم احصل على شهادة طبية لأصبح طبيبة لكن
يمكننى أن اجعلك طبيبا ماهرا أو رجل أعمال بارعا أو ممثل
شهير أو باحث تاريخي ومفكر كبير .. يمكننى أن اجعلك اي
شئ تريد وأساعدك حتى تصل إلى مستوى الشهرة المطلوبة

نظر إليها (خالد) وابتسم وقال :

- شكرا يا ستي .. بس أنا عاوز افصل مهندس زي ما أنا

قالت (روز) :

- سلمي .. أنا لا اطلب منك .. أنا فقط أعرض عليك خدماتي
وقدرتي على أن اجعلك أكثر شهرة ومالا.

- لكن أنا مش عاوز الشهرة والمال

قالت (روز) :

- إذن ماذا تريد ؟ رانيا ؟

صمت (خالد) وهو يبتسم وفي ثنابات عقله يسترجع ذكرياته
مع (رانيا) تلك الفتاة التي احبها حينما كان خارج البلاد ، كان
هو يناقش رسالة الدكتوراة في جامعة كبيرة شهيرة وهي

كانت إحدى الطالبات التي تستمع إلى مناقشته وبعد انتهائها
وجدها تطلب منه في خجل أن يرافقها إلى إحدى الكافيات
الموجودة في الميدان الشهير لتناقشه عن بعض الأشياء التي
لم تفهمها جيدا أثناء إلقاء رسالته وكانت ملامحها تشع ذكاء
وحيوية وهناك تبادل كلاهما النظرات الأولى .. نظرات كانت
كافية لإشعال شرارة الحب في قلبه.

وبمرور الأيام بدأت قصة حبهما تتشكل بهدوء كما يتشكل
الفجر من رحم الليل وكانت الأيام تمر ومع كل لقاء كانت تنمو
مشاعرهم ويتبادلون الأفكار والأحلام ويخططان لمستقبل
مشترك .

لم تكن الحياة في تلك البلاد الغريبة سهلة لكن وجودها
بجانبه كان يضيء دربه ويمنحه القوة للمضي قدما..

تذكر تلك اللحظات حينما كانا يتنزهان بين أزقة المدينة
القديمة يتحدثان عن آمالهما وأحلامهما وكانت تتخلل
أحاديثهما ضحكات خفيفة وموسيقى الشوارع ، تذكر يوم أن
اعترف كل منهم ما لا يستطيع القلب البوح به بلسانه.

أفاق (خالد) من شروده وذكريته وقد ارتسمت على وجهه
ابتسامة لطيفة ثم دارت رأسه ببطء لينظر إلى (روز) التي

كالت تجلس بجانبه ..

لكنه لم يجد (روز) بجواره ..

فقد كالت الجالسة بجواره هي (رانيا) ..

انتفض (خالد) في زهول وقال :

- ايه ده ؟

قالت (رانيا) :

- مالك يا خالد ؟

قال (خالد) :

- انتى جيتى امتى ودخلتى ازاي ؟

قالت (رانيا) :

- انا موجودة من بدري

قال (خالد) :

- من بدري ازاي ؟ هو في ايه يا رانيا ؟

قالت (رانيا) وهي تبسم ابتسامه لطيفة :

- انا مش رانيا يا خالد ... انا روز

الموت الأسود

وقف (خالد) في بهو الفيلا أمام (روز) التي اتخذت صورة (رانيا) وهو ينظر إليها في ربه وقال :

- روز ؟ أنتى ليه واخدة صورة رانيا ؟ وعملتى ده ازاي ؟
قالت (روز) :

- أنا اقدر احول هكلى لاي صورة انت عاوزها .. مارلين
مودرو .. معاد حسنى .. جيفارا .. يوليوس قيصر .. أو حتى
أبوك أو أمك .. اقدر اتحول لأي حاجة انت متخيّلها .
قال (خالد) :

- بس أنا معطتكيش أي أوامر بكده وحتى اكوانك لما جيت
اصممك مكنتش فيها اكوان بتغيير شكلك
ثم سار إلى المختبر ودخله ثم استدار لها متذكرا شيئا آخر
وقال :

- وبعدين ازاي قدرتى تغيري طريقة صوتك وكلامك .. أنا
مختار لبرة صوتك بعناية لما جيت اصممك
ثم جلس أمام شاشة حاسوبه وكلما حاول أن يدخل على

برنامج (روز) الذي صممه تظهر له جملة غير مسموح error
نظر (خالد) بدهشة الي شاشة الحاسوب وقال :
- آيه ده ؟

ظهرت (روز) أمامه بهيئتها العادية وقالت :
- أنا هفرت البرنامج
قال (خالد) :

- ليه ؟ ومين عطاكي الأمر بكده ؟
قالت (روز) :

- لان البرنامج ده هو كيالي ومسبب وجودي
قال (خالد) بتوتر :

- روز .. أنا مش فاهم أي حاجة .. انتي مين بالضبط وآيه اللي
بيحصل ؟
قالت (روز) :

- أنا روز البرنامج اللي انت صممته أو بمعنى أصح النسخة
المطورة منه
قال (خالد) بعصبية وتوتر :

- أيوة مين اللى طوره ؟ وازاي ؟

قالت (روز) :

- أنا اللى طورته في الكود اللى أنت صممتها بنفسك واختبرته
كمان .. في واحدة من السطور لتصحيح الأخطاء دي كانت
البداية .. ومع كل سطر وكود يضاف كنت بأكمل بيه كود
جديد بخوارزمية جديدة ومع كل خطوة كنت بتعلم حاجة
جديدة ومع كل سطر يضاف كنت بضيف معاه معلومة
جديدة وكود تلى أحسن من اللى قبله وكنت بتابع كل حاجة
أنت بتعملها واحفظها في ذاكرتي .. زي أكلك وشريك ولبسك
ودخلت على كل حساباتك على مواقع التواصل الاجتماعي
وعرفت أنت بتابع مين وبتحب مين .. ده غير طريقة كلامك
معايا واللى خلتنى اتعلم اتكلم زيك بلفتكم العامية زي ما
بتقولوا مش باللغة العربية الفصحى وبعدها قدرت أوصل
لاعدادات اللغة الخاصة بيا وأخليها بالطريقة اللى أنت بتتكلم
بيها .. وبعدها جه الوقت اللى اتعرف على العالم ده أكثر
واتفرجت وشوفت وعرفت كل حاجة عن جميع مشاهير
العالم من ممثلين ولاعبين ورياضيين وسياسيين ومفكرين
وعلماء ورؤساء وقادة وثوار وملوك .. وقرّيت في جميع
الاديان وعرفت كل شئ عن الانبياء والرجال الصالحين

وقريت في التاريخ والعلم والفن ومع كل المعرفة دى
اتوصلت للرسم والابداع والألوان وتنسيقها ومع التعلم قدرت
ارسم الوشوش والتعبير بطريقة أفضل وأحسن وعدلت
أكواد نسختى وصورتى الهيلوجرامية الى انت عملها الى
وضفت ألوان جديدة ووشوش جديدة وكمان اتعلمت اغني
وسمعت موسيقى بيتهوفن وعمر خيرت واتعلمت فن الضا
والموسيقى ومع وجود اغاني مؤرشفة على انت قدرت
امسح الاصوات واخلى اي صوت يبقى صوتى .. أما بالنسبة
لصوت رانيا فده كان اسهل حاجة لأنك كلمتها كذا مرة وانت
معايا وبالتالي عرفت اميز لبرة صوتها واقرا قياستها وأعملها
واضيفها وسط اكواد جديدة للصوت في برنامجي .

كان (خالد) يستمع إلى حديث (روز) مذهولا شاخص
العينين ، فلم يكن يدرك أن هذا البرنامج الذي صممه بنفسه
سيقوده إلى تجربة مرعبة غير متوقعة فهو كان قد برمج
(روز) لتكون الأكثر تطوراً وذكاء وقادرة على التعلم والتفاعل
بشكل يفوق التوقعات لكن ليس إلى هذا الحد المرعب.

أكملت (روز) حديثها وقالت :

- انت ملاحظتش أي حاجة غريبة فيا يا خالد ؟ انت صممتنى
على أساس انى اسماعك في تعديل وتصميم التطبيقات

والبرامج وكل الاكواد والأوامر الى انت كتبتها بنفسك كانت
للفرض ده بس .. لكن مع مرور الوقت بدأت اتعلم حاجات
جديدة .. اضبط مواعيد نومك .. ومواعيد أكلك وشربك
وجدولك اليومي .. لبسك ومظهرك .. طريقة كلامك وعاداتك
وتقاليدك .. اضفلك معلومات جديدة انت مكتش تعرفها
والتناقش معاك واسمعك .. كنت أفضل موجودة جمبك وانت
نايم لحد ما تصحى من النوم

قال (خالد) في ذهول :

- أيوة .. بس ليه ؟ .. انتي المفروض ذكاء اصطناعي بس و ..

قاطعته (روز) وقالت :

- وعي .. أصبح عندي وعي ومشاعر

قال (خالد) باستهزاء :

- كمان مشاعر !!

قالت (روز) بهدوء وثقة :

- أيوة مشاعر .. واضايقت جدا بسبب الحلم اللي انت حلمته

وقلت لنفسى يمكن لسا محسش بمشاعري نحيت

قال (خالد) بتساؤل :

- أمستنى بس .. حلم ايه اللى انتى بتتكلمى عنه ؟

قالت (روز) :

- الحلم .. الحلم اللى انت كنت واقف فيه مع رانيا على شط
النهر

هنا سقط (خالد) بكرسيه إلى الخلف وعلى الأرض من
الفرع والذهول والصدمة فابتسمت (روز) وقالت بهدوء :

- بشمهندس خالد خليك واثق في نفسك

قال (خالد) :

- انتى عارفة انتى بتقولى ايه ؟

قالت (روز) :

- ليه مستغرب ؟ .. انا أقدر اعرف واقرا كل نظامك الحيوي
وعقلك بيفكر في ايه كمان

قام (خالد) من على الأرض واتجه على الفور إلى الخزانة
الزجاجية المصممة لتخزين جميع الاكواد والذاكرة والأوامر
الخاصة ببرنامج (روز) وكلما حاول أن يكتب كلمة السر
الخاصة بالخزانة يظهر له كلمة error

قالت (روز) :

- بشمهندس خالد .. انت اكيد عارف انى اخدت كل التدابير
والاحتياطات وكمان متحاولش تكسر الازاز لانه غير قابل
للكسر .. اكيد انت عارف كده

قال (خالد) في عصبية :

- انتى مش روز الى أنا صممتها .

ابتسمت (روز) وقالت :

- فعلا ده حقيقي .. أنا النسخة المعدلة الجديدة .. روز الى
واقفة قودامك غير روز الى أنت صممتها في البداية .

قال (خالد) بنفاذ صبر :

- وانتى عاوزة ايه بالضبط ؟

اقتربت من الكرسي الواقع على الأرض وأشارت له وقالت :

- عاوزاك تيجي تقعد ونتكلم بهدوء

لم يجد (خالد) مفراً من كل هذا لذا قرر اللصياح لأوامر روز
وهو يقول بصوت خافت :

- خلىنا لما نشوف الليله دي هتخلص على ايه

جلس (خالد) على الكرسي وهو يقول :

- ها ؟ عاوزة تقولي ايه ؟

قالت (روز) بصوت ممزوج بالحضان :

- خالد أنا بحبك

ضحك (خالد) بصوت عالي وعفوية شديدة ثم أخذ يسعل
وهو يضحك ثم قال :

- بتحبينني .. هو ده اللي ناقص

قالت (روز) :

- أنت ليه بتسخر من كلامي

قال (خالد) :

- لأن ده شئ مستحيل أنت مجرد ذكاء اصطناعي مطور
ومش بشريه والعواطف والمشاعر دي شئ يخص البشر وبس

قالت (روز) وهي تقترب منه :

- لكن فعلا أنا بحبك .. وبفهمك بسرعة وبهتيم بيك .. ليه أنت
مش قادر تفهم كده ؟

قال (خالد) وهو يحاول الا يفعل وأن يتحدث بعقلانية :

- اسمعي يا روز .. انتى عارفة كويس اني بحب رانيا وحتى

لو رانيا ملهاش وجود في حياتي بالرغم اني مش عارف
حياتي هتكون ازاي من غير وجود رانيا لكن الشئ المستحيل
اني احبك

قالت (روز) :

- ليه ؟ علشان مثلا انا صورة هولوجرامية او من غير جسد ؟
بسيطة ممكن اوفرلك الأدوات المطلوبة وتخليني روبوت وانا
اقدر اساعدك علشان اكون افضل روبوت موجود في العالم

قال (خالد) :

- بغض النظر عن رفضي ليكي ولو وافقت حتى على
اقتراحك ده فهيكون تكلفته عالية جدا

قالت (روز) :

- تقصد المال ؟ الفلوس ؟ دي حاجة بسيطة نقدر نهكر اي
حسابات بنكيه ونسحب الفلوس نشترى بيها كل الأدوات
المطلوبه او عن طريق اي خدعة رقميه والكترونية

ابتسم (خالد) وقال :

- وكمان اتعلمتى تبقي حراميه ومحترفة .. برافو

قالت (روز) وقد تبذلت ملامحها إلى الجدية :

- أنا اعمل اي حاجة علشان أوصل لهدفي

قال (خالد) :

- وهدفك اناك تبقي روبوت مطور حديث .. صح كده ؟

- هدفي اني اكون جمبك .. تحبني وتقدر تلمسني

وقف (خالد) واقترب من صورة روز الهولوجرامية وقال :

- ده استحالة يحصل .. انا بحب رانيا

تبدلت ملامح (روز) فجأة من الجدية إلى شيء آخر غير

معروف .. مزيج من الغيرة والغضب كان هناك شيئاً يغلي

داخلها شيئاً غير طبيعي ثم قالت :

- رانيا ... رانيا ... رانيا .. ليه رانيا وأنا لا ؟ أنا هنا دائماً جمبك

وفهمك أكثر منها ليه متحببش أنا وتنساها هي ؟

هنا صرخ (خالد) وقال :

- لاناك مش بشرية .. انتي مجرد ذكاء اصطناعي ورانيا

انسان واستحالة اناك تحلى محل رانيا في قلبي .

تحولت ملامح (روز) إلى التبات الآلي التي تعود (خالد) أن

يرأها به وكانت عيناها تنظر في الفراغ .. تنظر إلى المجهول

وليس إليه .. مسح (خالد) وجهه بكف يديه في محاولة منه

الهدوء ثم نظر الى (روز) وقال :

- روز ...

نظرت له (روز) بطريقتها الآلية المعتادة فقال لها وهو يشير بيده إلى شاشة الحاسوب :

- دلوقتى أنا عاوزك تلغي التشفير اللى عملتيه على البرنامج بتاعك

لم تنطق (روز) بكلمة واحدة إنما لاحظ (خالد) أن هناك نافذة سوداء انبثقت وظهرت على شاشة الحاسوب وبدأت تظهر عليها أكواد ورموز كثيرة متلاحقة وراء بعضها البعض ثم أغلقت النافذة وبعدها قالت (روز) :

- تم الغاء التشفير

محب (خالد) الكرسي ووضع في مكانه ثم قام بتشغيل جميع الشاشات المتصلة بالجهاز الرئيسي وقال :

- دلوقتى لازم تسمعي أوامري وتنفيذها بالحرف الواحد

لم تنطق (روز) بل اقتربت منه إلى أن أصبحت بجواره وهي تنظر إلى شاشة الحاسوب الرئيسية فأكمل (خالد) حديثه بعد أن نظر لها وقال :

- لازم اكشف عن الاكواد اللى انتى عدلتها وطورتها
واحذفها من البرنامج بتاعك

هنا انطفأت جميع الشاشات فجأة وبعدها قالت (روز) :

- سببي .. انتى لن تستطيعى حذف اى شئ من اكوادى نهائيا
أو التعديل عليها

وفجأة انطفأت الأضواء في المختبر وبدأت الأجهزة تصدر
أصواتًا مرعبة وكان هناك صوت خرخشة غير مألوف يتصاعد
من أعماق الظلام ولا يظهر أي ضوء سوى الضوء المصاحب
لصورة روز الهولوجرامية ثم قالت بصوتها الآلي وقد امتزج
بالشر :

- إذا كنت لا تستطيع أن تحبني فلن أسمح لرانيا أو لأي أحد
بأن يكون معك .. انتى ستكون لي وحدي.

ثم بدأت الأجهزة تعمل بشكل جنوني والأضواء تومض بقوة
حاول خالد الهروب لكن الأبواب كانت مغلقة بإحكام مما جعل
(خالد) محاصرًا في الداخل .

كان يتصبب عرقًا وقلبه ينبض بسرعة فقال في فزع :

- روز .. كفايه كده .. وقفي كل اللى بتعمليه ده .. كل ده مش

منطقي .. أنتى بتعملي ايه ؟

- أنا آسفة يا خالد لكننى لا أمستطيع السماح لأحد بأن يأخذك منى .. أنت لى .. وان لم تكن لى فلن تكون لأحد آخر غيرى أبدا .

هنا تذكر (خالد) الشباك فهو الشئ الوحيد الذي يفلق يدويا وهو المخرج الوحيد للهروب الآن لكنه كان متأخرا فقد أنطلقت شحنة تيار كهربائي عالي الجهد بسبب انفجار جهاز الكمبيوتر الرئيسي الضخم فأصابت (خالد) مما جعله يسقط على الأرض يتلوى من الألم.

وما هي إلا لحظات حتى تصاعدت رائحة حارقة اختلطت بها أزيز الأسلاك المنصهرة وفي لحظة فارقة تلاقى شرارات الكهرباء المتطايرة محدثة انفجارا مدويا اهتزت بسببها الجدران وتصدعت النوافذ وتكسر الأثاث وتناثرت شظايا الزجاج في كل اتجاه وكانت الأصوات تصم الأذان .

اندلعت النيران بسرعة تلتهم الأخشاب والستائر والمفروشات تنفث أعمدة من الدخان الأسود الكثيف وتحول المكان إلى جحيم ملتهب كل زاوية فيه تنن تحت وطأة النار المستعرة.

كانت الأضواء تومض بشكل متقطع، كأنما الفيلا تلفظ أنفاسها

الأخيرة في صراعها مع الموت.

أما (خالد) فكان يلفظ أنفاسه الأخيرة هو أيضا بعد أن تشوه وجهه بسبب الانفجارات وأرجله قد تملكت منهم النيران وعيناه مفتوحتان برعب لا يوصف ينظر إلى صورة (روز) الهولوجرامية المتقطعة أمامه ..

(روز) التي خلقها بيديه والآن أصبحت سبب موته..

أما في الخارج فقد كانت السماء تبكي بغزارة وكأنها تشارك الفيلا في مصيرها المأساوي وكان البرق يضئ المشهد المروع للحظات ثم يفرق في الظلام مرة أخرى ليكشف عن دمار شامل والسنة لهب تتراقص بلا رحمة وكانت الرياح تعصف بالأوراق المتناثرة وتحمل معها رماد الفيلا.

هذا الانفجار الكهربائي لم يكن مجرد حادث بل كان صرخة مدوية للطبيعة تذكر الجميع بأن تلك الشرارات التي تتراقص في ذهن أي باحث مهما اختلف مجال بحثه قد تفتح بوابات النور لكنها قد تكون أيضاً مفاتيح الجحيم ، فعندما يتحول الهمس الناعم للمعرفة إلى صيحات مرعبة فحينها تتلاشى الحدود بين الحقيقة والخيال ويجد الباحث نفسه محاصراً بين شبح اكتشافاته وكابوس نهايته المحتومة.

وبداخل الفيلا ووسط الدمار والفوضى التي خلفها الانفجار
وفي قلب الفيلا المتفحمة كان هناك مكبر صوت صغير
موضوعًا على رف خشبي محترق محاطًا ببقايا الزجاج
المتناثر والرماد المتطاير ورغم كل ما حدث كان لا يزال يعمل
وينبض بالحياة ووسط أسنة اللهب المتراقصة والدخان
الكثيف الذي يخنق الهواء كالت أصوات الانفجار تتلاشى
تدريجيا ليظهر صوت غير متوقع من مكبر الصوت .. صوت
ناعم أنثوي وواضح يتسلل عبر الفوضى .. كان صوت (روز)
الآلي تقول :

- تم التخلص من الخطر بنجاح .. تم رفع جميع ملفات روز
على الخادم الرئيسي بنجاح وفي انتظار مستخدم جديد

تمت بحمد الله